

四庫全書

史部

欽定四庫全書

史部

浙江通志卷六

詳校官給事中臣戴璐

檢討臣德生覆勘

總校官編修臣倉聖脉

校對官中書臣朱圻

謄錄監生臣曹錫爵

欽定四庫全書

浙江通志卷六

建置

嘉興府

水經注韋昭曰越北鄙在嘉興

史記吳世家注槁李越地

謹按春秋時槁李之地初為吳越分境後為越境

方輿紀要嘉興府戰國時又為楚地

清類天文分野之書秦分楚地為會稽郡改長水為

由拳縣

漢書地理志漢會稽郡海鹽由拳

注高帝六年為荆國十二年更名吳

景帝四年會稽郡屬揚州

至元嘉禾志東漢屬吳郡

謹按吳郡圖經續記云漢順帝永建四年分會稽為吳郡以淞江中流為界與吳興丹陽號為三吳又按吳郡治吳縣其統海鹽由拳二縣則與西漢同

續漢志吳大帝黃龍四年嘉禾生於由拳改縣曰禾

興後以太子名和改曰嘉興

輿地廣記晉宋屬吳郡

晉太康元年屬吳郡隸揚州東晉咸和元年改隸吳國宋

永初九年吳國
罷復隸揚州

弘治嘉興府志梁天監六年以海鹽縣屬信義郡太
清三年析海鹽置前京縣與海鹽嘉興俱屬吳州
至元嘉禾志陳武帝割海鹽屬鹽官

清類天文分野之書隋罷嘉興縣以其地屬蘇州

謹按弘治嘉興府志云隋開皇九年廢嘉興入錢
唐屬杭州考隋書無明文惟晏殊類要有自吳至
唐並為嘉興縣屬
蘇州之語今從之

舊唐書地理志武德七年分置嘉興縣八年廢嘉興
入吳縣

唐書地理志嘉興貞觀八年復置海鹽景雲二年復置

謹按吳郡岡經續記云西漢之會稽郡舉今二浙之地皆在焉東漢之吳郡舉今浙西之地皆在焉晉之吳郡舉今抗秀睦三州之境皆在焉唐之蘇州舉今秀州之地在焉據此則知嘉興一府自唐以前俱屬蘇州寄矣

弘治嘉興府志天寶元年割嘉興之東境海鹽之北境崑山之南境置華亭縣

弘治嘉興府志乾元元年隸浙江西道節度使永泰元年隸浙江西道觀察使大歷十四年改隸浙江

都團練觀察使

唐書地理志蘇州吳郡上縣嘉興海鹽華亭

十國春秋注梁初嘉興縣改屬杭州

十國春秋吳越武肅王於嘉興置開元府割華亭海

鹽二縣屬焉

十國春秋唐長興三年罷開元府

謹按方輿紀要嘉興府志云後唐同光二年錢鏐置開元府治嘉興兼領華亭海鹽二縣長興三年府罷按唐制非京尹不得稱府鏐不敢置府於杭州何由置府於嘉興乎開元改府之名誤

十國春秋晉天福三年吳越析嘉興為崇德縣

十國春秋晉天福五年吳越奏嘉興縣置秀州以嘉興海鹽華亭崇德隸焉

十國春秋吳越秀州領嘉興海鹽華亭崇德

宋史地理志兩浙路秀州

宋史地理志政和七年賜郡名曰嘉禾

宋史寧宗紀慶元元年升秀州為嘉興府

文獻通考以孝宗誕

聖之地升

為嘉興府

文獻通考秀州屬浙西路

宋史地理志嘉興府為西路

宋史寧宗紀嘉定元年升嘉興府為嘉興軍

宋史地理志嘉興府本秀州軍事縣四嘉興華亭海

鹽崇德

至元嘉禾志元至元十三年改嘉興府安撫司十四

年改為嘉興路總管府

元史地理志江浙等處行中書省為路嘉興

元史地理志江南浙西道肅政廉訪司嘉興路

元史世祖紀至元十五年改華亭縣為松江府

元史地理志元貞元年升海鹽崇德為州

元史地理志嘉興路上領縣一嘉興州二海鹽崇德

元史明復為嘉興府

續文獻通考洪武二年海鹽崇德復為縣

明一統志浙江等處承宣布政使司領嘉興府

謹按嘉興府明初統於南直隸洪武十四年十一月始改隸浙江布政使司

史概宣德五年增置嘉興府秀水嘉善桐鄉平湖四

縣

弘治嘉興府志宣德四年三月巡撫大理寺卿胡概建議以嘉興海鹽崇德三縣地廣賦繁分嘉興自郡城之西亘延而北至於吳江之柿涇為秀水自郡城而東北魏塘鎮東涉華亭之楓涇市北薄長洲之蘇來鄉為嘉善又分海鹽之東北為平湖又分崇德之西北為桐鄉

續文獻通考嘉興府領嘉興秀水嘉善海鹽平湖桐

鄉崇德七縣

國朝定為嘉興府屬浙江布政使司領縣七嘉興秀水
嘉善海鹽崇德平湖桐鄉康熙元年改崇德為石

門縣

嘉興縣

輿地廣記故槁李地吳之南境

元和郡縣志春秋時長水縣秦為由拳縣

太平寰宇記土人謠

曰水市出天子始皇東遊從此過見人乘舟交易應其謠遂改由拳縣

漢書地理志會稽郡縣由拳

後漢書郡國志吳郡城由拳

宋書州郡志孫權黃龍四年由拳縣生嘉禾改曰禾
興

三國吳志赤烏五年立子和為太子改禾興為嘉興
縣

晉書地理志吳郡統縣嘉興

宋書州郡志吳郡太守領嘉興

南齊書州郡志吳郡嘉興

弘治嘉興府志梁太清三年嘉興隸吳州陳永定二年嘉興仍屬吳郡

清類天文分野之書隋罷縣以其地屬蘇州

唐書地理志武德七年置嘉興八年省入吳貞觀八年復置

弘治嘉興府志天寶元年割嘉興之東境入華亭

唐書地理志蘇州吳郡嘉興

望

興地廣記五代屬杭州

五代會要兩浙錢元瓘奏以杭州嘉興縣置秀州

十國春秋吳越秀州領縣嘉興

注按唐貞觀八年復置嘉興縣屬蘇州梁

初改屬杭州未幾置開元府及府罷縣屬中吳軍已又置秀州此諸說所以有隸杭隸蘇之不一也

宋史地理志嘉興府嘉興

望

元史地理志嘉興路領縣嘉興

上倚郭

舊浙江通志明嘉興縣屬嘉興府

國朝嘉興縣屬嘉興府附郭編戶二百八十八里

秀水縣

廣輿記吳嘉興地

續文獻通考宣德四年析嘉興縣置秀水縣

玉照新志宣和

宋曾空青守秀水則宋時嘉興稱秀州亦稱秀水
建炎中朱勝非節制平江府秀州著秀水閭居錄
秀水在北門外麗橋東相傳天和景明則水漾
五色宋時於子城西南建有秀水亭因以名縣

舊浙江通志明秀水縣屬嘉興府

國朝秀水縣屬嘉興府附郭編戶二百里

嘉善縣

廣輿記古魏塘鎮

續文獻通考宣德五年析嘉興縣置嘉善縣

舊浙江通志明嘉善縣屬嘉興府

國朝嘉善縣屬嘉興府編戶二百里

海鹽縣

越絕書海鹽縣始為武原鄉

謹按吳越春秋越增封北
至於平原越語作武原

資治通鑑注秦為海鹽縣

至元嘉禾志秦屬會稽郡

漢書地理志會稽郡縣海鹽

謹按明一統志云王莽改曰展武縣後陷為湖移治武原鄉改武原縣東漢復為海鹽縣方輿紀要云舊志縣東北有武原城秦始皇三十七年置武原縣治此按吳記海鹽本名武原鄉秦為海鹽縣武原未嘗置縣也據此治武原鄉當即在秦時莽第改展武無陷湖再改武原事

後漢書郡國志吳郡城海鹽

至元嘉禾志順帝時移治故邑山為故邑縣晉咸康

元年復為海鹽縣

謹按故邑之改亦屬可疑夫自海鹽而故邑漢志由故邑而海鹽晉又宜志何以二志並弗載也

且求諸他紀傳在順帝後晉咸康前者則吳赤烏之龍見以海鹽書晉太興之雨雹以海鹽書其他縣令長若步騭孫誼之屬無不以海鹽書豈非有海鹽無故邑之明證耶海鹽縣圖經云晉咸康移故邑治治馬皀城為海鹽縣地因訛改海鹽為故邑殆近之

晉書地理志吳郡統縣海鹽

宋書州郡志吳郡太守領海鹽

南齊書州郡志吳郡海鹽

方輿紀要梁屬信義郡

清類天文分野之書陳省入鹽官縣

至元嘉禾志唐武德七年復屬蘇州貞觀元年省入

嘉興

謹按舊唐書地理志第云武德七年復嘉興未嘗云復海鹽也貞觀元年之省雖本新唐書而復置之歲月無考夫縣未嘗置何從得省耶存疑

舊唐書地理志景雲二年分嘉興縣復置先天元年

廢開元五年復置治吳禦城

至元嘉禾志蘇州刺史前黃門侍郎張廷

珪奏置即於舊海鹽縣吳禦越城西北今縣治也

唐書地理志蘇州吳郡海鹽

緊

至元嘉禾志晉天福五年置秀州縣屬焉

十國春秋吳越秀州領海鹽

宋史地理志嘉興府海鹽

上

元史地理志元貞元年升海鹽州

元史地理志嘉興路領海鹽州

中

海鹽縣圖經明初右丞華雲龍以州籍獻洪武二年

仍為海鹽縣而縣等居上如宋云

舊浙江通志明海鹽縣屬嘉興府

國朝海鹽縣屬嘉興府編戶一百六十四里

石門縣

元豐九域志崇德古越地

國語越王句踐至於軍徙舍至於禦兒

史記注索隱曰韋昭云在

吳越界輿地廣記崇德有語
兒水亦曰禦兒越之北境也

至元嘉禾志句踐傳六世為楚威王所并地入楚秦

郡縣天下置會稽郡禦兒為由拳縣之西鄙介於

錢唐烏程之間

弘治嘉興府志更六朝禦兒皆為嘉興之西鄙歷唐如故

十國春秋晉天福三年廣陵王元瑙鎮中吳請析嘉

興之崇德等九鄉為縣治義和鎮遂以鄉名縣

正德

崇德縣志唐乾符六年黃巢為亂豪傑起義兵保護鄉井以當要衝遂陞語兒為義和鎮梁開平時吳越王錢鏐廢鎮稱義和市晉天福中吳越王元瓘以兄元瑙鎮中吳右藩強大而杭無屏蔽天福三年始析崇德等鄉為縣置於義和市因鄉以名縣五年陞嘉興縣為秀州以嘉興華亭及新置崇德隸焉

十國春秋吳越秀州領縣崇德

至元嘉禾志宋熙寧十年又割嘉興縣梧桐永新清
風千金保寧五鄉以益之

宋史地理志嘉興府崇德

中

元史地理志元元貞元年升崇德州

元史地理志嘉興路領崇德州

中

弘治嘉興府志洪武二年復崇德為縣

舊浙江通志明崇德縣屬嘉興府

國朝崇德縣屬嘉興府編戶一百六十四里康熙元年
因與

太宗文皇帝年號相同改名石門以縣有石門鎮故也編
戶一百六十四里

平湖縣

廣輿記古當湖市

後漢書郡國志注海鹽縣之故治順帝時陷而為湖

今謂之當湖

括異志當湖在今
海鹽縣北五十里

續文獻通考宣德五年析海鹽縣置平湖縣

弘治嘉興府志

巡撫胡槩奏以海鹽當湖鎮分置縣當湖在其東故曰平湖

舊浙江通志明平湖縣屬嘉興府

國朝平湖縣屬嘉興府編戶一百十四里

桐鄉縣

明一統志本崇德縣地

續文獻通考宣德五年割崇德梧桐六鄉置為縣

弘治

嘉興府志允巡撫胡槩請分崇德縣募化千金保寧清風永新梧桐六鄉地置縣於梧桐鄉

舊浙江通志明桐鄉縣屬嘉興府

國朝桐鄉縣屬嘉興府編戶一百里

湖州府

史記孔子世家汪罔氏之君守封禺之山

通典汪罔即防風國

通典春秋屬吳吳滅屬越越滅屬楚

太平寰宇記秦屬會稽郡亦鄣郡之境

萬歷湖州府志楚以其地

立菰城為春申君黃歇封邑秦始皇三十五年改菰城為烏程縣隸會稽又以西境置故鄣縣後漢

書鄣國志注故鄣縣秦鄣郡所治

漢書地理志會稽郡縣烏程丹陽郡縣故鄣

後漢書郡國志吳郡城烏程丹陽郡城故鄣

宋書州郡志原鄉中平二年分故鄣立安吉分故鄣
立永安吳分烏程餘杭立

三國吳志吳分吳郡丹陽九縣為吳興郡治烏程

治弘

湖州府志孫皓侯烏程入嗣以吳郡之永安餘杭
臨水陽羨及丹陽之故鄣安吉原鄉於潛諸縣之

水悉注烏程乃分九縣為郡而以烏

程為治所名曰吳興吳興之郡始此

謹按吳立吳興郡屬

揚州晉後並因之

清類天文分野之書晉太康三年分烏程西鄉為長城東鄉為東遷又改永安為武康

晉書地理志永興元年割吳興之陽羨并長城縣之北鄉置陽羨四縣又分丹陽之永世置平陵及永世凡六縣立義興郡

晉書地理志吳興郡統縣十烏程臨安餘杭武康東遷於潛故鄣安吉原鄉長城

宋書州郡志永初三年分宣城之廣德吳興之故鄣

長城及陽羨義鄉五縣立綏安縣屬義興太守

宋書州郡志吳興太守領縣十烏程東遷武康長城

原鄉故鄣安吉餘杭臨安於潛

謹按齊吳興郡領

縣十仍宋之舊

元和郡縣志梁紹泰初改吳興郡為震州蓋取震澤
為名

梁書敬帝紀太平元年罷震州復為吳興郡

隋書地理志烏程舊置吳興郡平陳郡廢并東遷縣

入焉

隋書地理志長城武康平陳廢

隋書地理志綏安省故鄣安吉原鄉入焉

隋書地理志仁壽中置湖州

太平寰宇記因太湖為名

隋書地理志仁壽二年復長城武康

謹按隋志長城屬蘇州武康屬杭州總管府

輿地廣記大業初湖州省屬餘杭吳二郡

謹按隋志烏程屬吳郡餘杭於潛屬餘杭郡獨臨安未知省入何縣隋志既無考姑闕之

舊唐書地理志武德四年平李子通置湖州領烏程
一縣六年復沒於輔公祐七年復置仍廢武州以
武康來屬又省雒州以長城縣來屬安吉廢入長

城

謹按唐書地理志武州者李子通竊據時所置雒
州者唐武德四年置綏州又更名雒州也又武德
四年以安吉隸桃
州七年廢入長城

文獻通考湖州唐屬江南道

舊唐書地理志安吉麟德元年復分長城縣置

唐書地理志德清本武源天授二年析武康置景雲二年曰臨溪天寶元年更名

通志地理畧開元十道圖湖州江南東道

舊唐書地理志天寶元年改為吳興郡乾元元年復為湖州

唐書方鎮表文德元年置忠國軍節度使

謹按明一統志云乾寧中升湖州為忠國軍年號與唐書不同

唐書地理志湖州吳興郡上縣五烏程武康長城安

吉德清

順存錄梁開平元年割武康隸杭州

十國春秋長城縣吳越改長興

十國春秋顯德六年升湖州為宣德軍

十國春秋吳越湖州領縣四烏程德清安吉長興

元豐九域志宋太平興國三年武康復隸湖州

文獻通考太平興國六年析烏程置歸安縣

宋史地理志兩浙路湖州

宋史地理志景祐元年升昭慶軍節度

宋史地理志寶慶元年改安吉州

齊東野語穆陵正位濟王寓於雪城

之西潘甫與弟壬丙舉兵王帥州兵勦平之詔改湖州為安吉州

文獻通考湖州屬西路

宋史地理志安吉州為西路

宋史地理志湖州上吳興郡縣六烏程歸安安吉長

興德清武康

元史地理志至元十三年升湖州路

嘉靖湖州府志世祖改安吉州

為湖州路安撫司仍置安吉縣

元史地理志江浙等處行中書省為路湖州

元史地理志江南浙西道肅政廉訪司湖州路

元史地理志元貞元年升長興縣為州

元史地理志湖州路上領縣五烏程歸安安吉德清

武康州一長興

明一統志湖州府

明一統志改長興州為縣

明一統志浙江等處承宣布政使司領湖州府

謹按明初湖州府統於南直隸洪武十四年始改隸於浙江布政使司

名山藏成化二十三年置孝豐縣

史槩正德元年改浙江安吉縣為州

續文獻通考湖州府領安吉一州烏程歸安德清武康長興孝豐六縣

國朝定為湖州府屬浙江布政使司領縣六烏程歸安長興德清武康孝豐州一安吉

烏程縣

越絕書烏程故大越徙民秦始皇刻石徙之

吳興新錄秦時

程林烏中二家

以釀美酒得名

清類天文分野之書秦屬會稽郡

漢書地理志會稽郡縣烏程

後漢書郡國志吳郡城烏程

注興平二年太守許貢奏分縣為永縣

輿地廣記吳於烏程置吳興郡

宋書州郡志東遷晉太康三年分烏程立元徽四年

更名東安昇明元年復舊

晉書地理志吳興郡統縣烏程東遷

宋書州郡志吳興太守領烏程東遷

南齊書州郡志吳興郡烏程東遷

謹按梁改屬震州尋屬吳興郡陳因之

方輿紀要隋平陳東遷廢入烏程屬蘇州

清類天文分野之書仁壽二年烏程復屬湖州

資治通鑑注大業初以縣屬吳郡

隋書地理志吳郡統縣烏程

舊唐書地理志武德四年置湖州治烏程領烏程一

縣六年沒於輔公祐七年復置

唐書地理志湖州吳興郡烏程望

十國春秋吳越湖州領縣烏程

萬歷湖州府志宋寶慶元年改湖州為安吉州領縣如故

宋史地理志湖州吳興郡烏程望

謹按景祐年屬昭慶軍節度寶慶年屬安吉州

元史地理志湖州路領縣烏程上

舊浙江通志明烏程縣屬湖州府

國朝烏程縣屬湖州府附郭編戶二百八十二里

歸安縣

輿地廣記本烏程縣地

宋史地理志太平興國七年析烏程地置縣

萬厯湖州府志

轉運使高冕奏烏程境太廣請分置一縣從之時吳越錢俶初歸命故以歸安名縣

宋史地理志湖州吳興郡歸安

望

謹按景祐年屬昭慶軍節度寶慶年屬安吉州

元史地理志湖州路領縣歸安

上與烏程
皆為倚郭

舊浙江通志明歸安縣屬湖州府

國朝歸安縣屬湖州府附郭編戶三百九里

長興縣

元和郡縣志吳王闔閭使弟夫槩居此築城狹而長
因以為名

明一統志秦以為鄣郡地漢為烏程故鄣縣地

三國志注丹陽故鄣分隸吳興郡

資治通鑑注晉太康三年分烏程立長城縣屬吳興郡

資治通鑑注永興元年分吳興之長城立義鄉縣屬義興郡

晉書地理志吳興郡統縣長城

宋書州郡志吳興太守領長城

南齊書州郡志吳興郡長城

謹按梁末屬震州尋屬吳興郡陳因之

隋書地理志平陳縣廢仁壽二年復

隋書地理志吳郡統縣長城

舊唐書地理志武德四年置雒州領長城原鄉二縣

七年州廢及原鄉併入長城屬湖州

方輿紀要唐初沈法興置

長州於此武德四年改為綏州又改雒州七年州廢縣仍屬湖州

唐書地理志湖州吳興郡長城

望

十國春秋吳越長城縣改長興避梁諱也

十國春秋吳越湖州領縣長興

宋史地理志湖州吳興郡長興

望

謹按景祐年屬昭慶軍
節度寶慶年屬安吉州

元史地理志元貞元年升為州

元史地理志湖州路領州一長興

中

續文獻通考明初改名長安尋復舊洪武二年改為
縣

舊浙江通志明長興縣屬湖州府

國朝長興縣屬湖州府編戶二百三十二里

德清縣

路史烏程有餘不鄉

注今湖之德清東百武有餘不溪晉孔愉封餘不亭侯

元和郡縣志天授二年析武康鄉置武原縣景雲二年改為臨溪縣以臨餘不溪也天寶元年改為德

清縣

舊唐湖州府志縣有德清山

唐書地理志湖州吳興郡德清

上

十國春秋吳越湖州領縣德清

宋史地理志湖州吳興郡德清

緊

謹按景祐年屬昭慶軍

節度寶歷年屬安吉州

元史地理志湖州路領縣德清

舊浙江通志明德清縣屬湖州府

國朝德清縣屬湖州府編戶三百一十二里

武康縣

太平寰宇記古防風氏國

元和郡縣志本漢烏程餘不鄉之地

方輿紀要後漢初平中孫氏析置永安縣

資治通鑑注晉改為永康

史記孔子世家注晉太康元年改永康為武康

晉書地理志吳興郡統縣武康

宋書州郡志吳興太守領武康

南齊書州郡志吳興郡武康

隋書地理志平陳縣廢仁壽二年復

名勝志縣初置在餘英溪北仁

壽二年徙溪南唐廣德元

年平袁晁復溪北舊址

隋書地理志餘杭郡統縣武康

唐書地理志李子通置安州又曰武州武德四年平

李子通因之七年州廢隸湖州

唐書地理志湖州吳興郡武康

上

十國春秋西府杭州領縣武康

注舊隸湖州武
肅王時來屬

宋史地理志太平興國三年武康自杭州來隸

宋史地理志湖州吳興郡武康

上

謹按景祐年屬昭慶軍

節度寶歷年屬安吉州

元史地理志湖州路領縣武康

中

舊浙江通志明武康縣屬湖州府

國朝武康縣屬湖州府編戶六十二里

安吉州

元和郡縣志本漢故鄣縣地

後漢書郡國志注故鄣中平年分縣南置安吉縣

方輿

勝覽東漢光和末荆揚亂此鄉守險助國漢朝嘉之立縣名安吉名勝志舊治在天目山即今孝豐縣治唐開元二十六年移故鄣之南號鄣南吳大帝遣從弟璿修故鄣邸閣山是也

謹按安吉縣

屬丹陽郡

後漢書郡國志注故鄣中平二年又分立原鄉縣

謹按吳立吳興郡以故鄣安吉原鄉屬之

晉書地理志吳興郡統縣故鄣安吉原鄉

宋書州郡志吳興太守領原鄉故鄣安吉

南齊書州郡志吳興郡故鄣安吉原鄉

謹按梁陳屬陳留郡

隋書地理志綏安平陳省故鄣安吉原鄉入焉

唐書地理志安吉義寧二年沈法興置武德四年因

之以縣隸桃州七年省入長城麟德元年復置

謹按名勝志云唐武德中改名桃州僧皎然送安吉康丞詩君吏桃州尚奇跡桃州採得桃花石當

時州名或取諸此

唐書地理志湖州吳興郡安吉

紫

十國春秋吳越湖州領縣安吉

宋史地理志湖州吳興郡安吉

上

謹按景祐年屬昭慶軍節度寶歷年屬安吉州

元史地理志湖州路領縣安吉

中

嘉靖安吉州志至正十六年明取安吉以隸長興州

吳元年復以安吉隸湖州

謹按至正十七年耿炳文率師取長興則安吉之隸長興當是十七年事

續文獻通考正德元年升安吉縣為州領縣一孝豐

國朝安吉州屬湖州府編戶六十四里

孝豐縣

續文獻通考本安吉縣地

謹按漢故鄣縣地後漢靈帝分置原鄉縣屬丹陽郡晉屬吳興郡宋齊梁陳因之隋文帝省縣唐高

祖復置屬雒州尋省雒州併入長城縣唐高宗復析長城置安吉縣今孝豐縣係安吉析置故曰本

安吉

縣地

嘉靖浙江通志弘治元年析安吉置孝豐縣

湖州府志知府王珣

言安吉地險遠而孝豐太平等九鄉為里五十餘中有漢縣廢城存焉請析置一縣從之因鄉名以縣名

明一統志安吉升州因屬焉

舊浙江通志明孝豐縣屬湖州府

國朝孝豐縣屬湖州府編戶五十四里

浙江通志卷六

欽定四庫全書

浙江通志卷七

建置

四

寧波府

太平寰宇記古舜後為餘姚之墟

史記吳世家越王句踐遷吳王夫差於甬東

注韋昭曰句章

東海口

外州也

清類天文分野之書秦以地置鄞縣屬會稽郡

宋書州郡志漢會稽東部都尉治鄞

清類天文分野之書元鼎五年

於章安為會稽東部治所章安即今奉化之南也成帝時移句章

漢書地理志會稽郡句章鄞

謹按漢順帝分會稽立吳郡鄞句章三縣仍屬會稽三國吳及晉宋齊梁陳皆仍舊

隋書地理志句章平陳併餘姚鄞三縣入

唐書地理志武德四年析故句章縣置鄞州八年州

廢更置鄞縣隸越州

舊唐書地理志象山神龍二年分寧海及越州鄞縣

置屬台州

唐書地理志開元二十六年採訪使齊澣奏以越州之鄞縣置明州以境有四明山為名

通志地理畧開元十道圖明州江南東道

舊唐書地理志奉化慈溪翁山已上皆鄞縣地開元二十六年析置

舊唐書地理志天寶元年改為餘姚郡乾元元年復為明州天寶領縣四鄞奉化慈溪翁山

唐書地理志象山廣德二年來屬

唐書地理志翁山大歷六年省

嘉靖寧波府志元和四年置望海鎮於甬江之海口

資治通鑑注望海鎮在明州界今定海縣即其地

唐會要長慶元年移明州置於鄞縣

成化四明郡志浙東觀察使薛

戎上言明州北臨鄞江地形卑隘請移明州置於鄞縣而以州舊城近南高處置縣從之

唐書地理志明州餘姚郡上縣四鄞奉化慈溪象山

興地廣記梁開平三年升明州為望海軍節度

十國春秋梁勅置明州靜安縣

注一作望海縣
又改定海縣

十國春秋吳越改鄞曰鄞

十國春秋吳越明州領縣六鄞奉化慈溪象山望海

翁山

謹按翁山省自大歷其何年
復置十國春秋失載姑闕之

宋史地理志建隆元年升奉國軍節度

宋史地理志昌國熙寧六年析鄞縣地置

元豐九域志上明州奉化郡奉國軍節度

宋史地理志兩浙路明州

宋史地理志紹興初置沿海制置使八年以浙東安

撫使兼制司十一年罷隆興元年復置

資治通鑑紹熙五年詔改明年為慶元元年尋升明

州為慶元府

宋史地理志以寧宗潛邸升為府

文獻通考明州屬浙東路

宋史地理志慶元府為東路

宋史地理志慶元府縣六鄞奉化慈溪定海象山昌

國

元史地理志至元十三年改置宣慰司十四年改為
慶元路總管府升昌國縣為州

元史地理志江浙等處行中書省為路慶元

元史地理志元貞元年升奉化縣為州

續文獻通考大德六年移浙東道宣慰司都元帥府
治慶元

元史地理志慶元路上領縣四鄞象山慈溪定海州

二奉化昌國

函史明改明州府

嘉靖浙江通志洪武二年昌國奉化復為縣

續文獻通考洪武十四年改明州府為寧波府

嘉靖寧波

府志洪武十四年以郡有定海縣海定則波寧因改明州為寧波府

明一統志浙江承宣布政使司領寧波府

明實錄洪武二十年廢寧波府昌國縣

續文獻通考寧波府領鄞慈谿奉化定海象山五縣

國朝定為寧波府屬浙江布政使司領縣五鄞縣慈谿

奉化定海象山

聖祖仁皇帝康熙二十三年巡撫趙士麟總兵官孫惟統等疏言舟山為寧郡藩籬請移定海總兵駐劄鎮守二十五年五月總兵官黃大來又會同督撫題請設立縣治二十六年五月奉

上諭山名為舟則動而不靜因易名定海山頒賜宸翰二十七年建縣治

賜名定海縣而以舊定海為鎮海縣

鄆縣

名勝志夏禹時有董子國

謹按地有董山

董加邑為鄆

清類天文分野之書吳敗越於夫椒越及吳平更封
句踐東至於鄆即今鄆縣是也

清類天文分野之書漢句章縣地東漢曰鄆又曰鄆

王應麟鄆縣辨證越語句踐之地東至於鄆韋昭

注今鄆縣是也後漢書注鄆故城在鄆縣東南圖

經曰白社里有鄆城山漢志鄆有鮪崎亭今在奉

化有天門山今象山之天門山然則奉化象山二

縣漢之鄆也鄆城山其古鄆城歟今鄆縣有鄆塘鄉接奉化蓋鄆之境鄆縣辨證鄆縣東有鄆郭古鄆縣城也漢地理志會稽郡鄆縣五代改鄆曰鄆圖經云唐有鄆縣非也唐地理志無鄆陸雲集秦始皇南巡登稽嶽在鄆縣三十餘日圖經云後漢改鄆為鄆既而復為鄆非也西漢已有鄆句章辨證史記正義句章故城在鄆縣西一百里此張守節以開元之鄆言之元和郡縣志句章故城在今州西一里此李吉甫以元和之明州言之圖經古句章城在鄆縣南六十里此今之地理也虞翻傳注句章董黯則慈谿乃漢句章之地今鄆縣有句章鄉自此鄉及慈谿皆句章境謹按應麟之辨甚詳然則今之鄆縣在兩漢時實與句章鄆縣壤地相錯張時徹府志云鄆今奉化是鄆今鄆是句章在慈谿谿城山渡後徙句章鄉小谿鎮俱有舊址存焉並錄之以備參考

漢書地理志會稽郡鄞縣

謹按鄞縣在平帝時莽改董縣東漢建武初復舊名後仍屬會稽郡三國吳因之

晉書地理志會稽郡統縣鄞

宋書州郡志會稽太守領縣鄞

謹按齊梁陳並因之

方輿紀要隋平陳省縣入句章

隋書地理志會稽郡統縣句章

方輿紀要唐復置鄞縣為鄞州治州尋廢以縣屬越

州

太平寰宇記開元二十六年於縣置明州

唐書地理志明州餘姚郡鄞縣

上

十國春秋吳越明州領縣鄞

注故鄞縣吳越改曰鄞

宋史地理志明州奉化郡鄞縣

望

謹按紹熙後
屬慶元府

元史地理志慶元路領鄞縣

上倚郭

舊浙江通志明鄞縣屬明州府尋屬寧波府

國朝鄞縣屬寧波府附郭編戶四百五十一里

慈谿縣

輿地廣記漢句章縣地

太平寰宇記唐鄞縣地

清類天文分野之書
慈溪實鄞封內地

元和郡縣志開元二十六年採訪使齊澣奏置慈溪

縣

延祐四明志句章董黯母嘗寢疾喜大隱溪水
不以時得於是築室溪傍以便日汲溪在今縣

南一舍故以慈名

溪又以溪名縣

唐書地理志明州餘姚郡慈溪

上

十國春秋吳越明州領縣慈溪

宋史地理志明州奉化郡慈溪

上

謹按紹熙後

屬慶元府

元史地理志慶元路領縣慈溪

中

舊浙江通志明慈谿縣屬明州府尋屬寧波府

嘉靖寧波

府志永樂十六年令有失印者請更鑄印議者恐所失之印覆出為奸更印文從谷而慈溪為慈谿

國朝慈谿縣屬寧波府編戶二百八里

奉化縣

輿地廣記本漢鄴縣地

清類天文分野之書隋開皇九年并鄴入句章

太平寰宇記唐鄴縣地

元和郡縣志開元二十六年採訪使齊澣奏置奉化

縣

嘉靖寧波府志治東有鄴城山下有鄴城院院即古鄴治也唐改鄴州尋廢為鄆縣開元間鄆

立為明州因析其地為四屬縣而鄆故地改為今奉化名勝志以其民淳易於遵奉王化故名

唐書地理志明州餘姚郡縣奉化

上

十國春秋吳越明州領縣奉化

宋史地理志明州奉化郡奉化

謹按紹熙後
屬慶元府

元史地理志元貞元年升奉化州隸慶元路

下

舊浙江通志明復為奉化縣屬明州府尋屬寧波府
國朝奉化縣屬寧波府編戶一百二十九里

鎮海縣

清類天文分野之書秦會稽句章縣地

續文獻通考唐為鄞縣望海鎮地

太平寰宇記梁開平三年吳越錢鏐以地濱海口有

魚鹽之利因置望海縣後改定海縣

十國春秋注
武肅王奏置

望海縣吳越備史又作靜海縣後改定
海文獻通考云宋改定海未知孰是

十國春秋吳越明州領縣望海

清類天文分野之書宋熙寧十年分鄞之海晏靈巖

大丘三鄉屬焉

宋史地理志明州奉化郡定海

上

謹按紹熙後
屬慶元府

元史地理志慶元路領縣定海

中

明一統志以昌國縣省入定海縣

名勝志昌國城在東海中翁洲本翁

山縣洪武二十年以其縣居海島分徙其民僅存在城五百戶隸定海縣

舊浙江通志明定海縣屬明州府尋屬寧波府

國朝康熙二十七年更名鎮海縣屬寧波府編戶九十

六里

象山縣

清類天文分野之書本漢鄞縣晉分臨海之北與鄞

縣之安化鄉置寧海縣屬臨海郡隋開皇九年省
寧海入臨海屬永嘉郡

方輿紀要神龍元年析寧海及鄞縣地置象山縣屬
台州廣德二年改屬明州

唐書地理志明州餘姚郡象山

中

十國春秋吳越明州領縣象山

宋史地理志明州奉化郡象山

下

謹按紹熙後
屬慶元府

元史地理志慶元路領縣象山

中

舊浙江通志明象山縣屬明州府尋屬寧波府

國朝象山縣屬寧波府編戶二十里

定海縣

史記注越東鄙甬江東也

元和郡縣志翁州入海二百里即春秋所謂甬東地
清類天文分野之書秦漢並屬句章縣唐開元二十

六年置明州分鄞縣置翁山大歷六年罷

成化四
明郡志

大歷六年表晁據翁山鄧二縣久
不克復遂移治鄧是年廢翁山

十國春秋吳越明州領縣翁山

清類天文分野之書宋端拱二年置鹽場熙寧六年

乃置尉以治之尋立縣曰昌國

文獻通考昌國居海心

定海縣志元豐元年割定海縣之金塘鄉益之

宋史地理志明州奉化郡昌國

下

謹按紹興間升望

紹熙後屬慶元府

元史地理志元至元十四年升州仍置昌國縣以隸

之後止立昌國州隸慶元路

下

定海縣志明洪武二年以昌國州復為縣隸明州府
十七年廢縣改昌國衛二十年移於象山縣三都
海口東門二十五年改隸定海衛

謹按明初信國公湯和以昌國外連倭國為清野
之策因虛其地嘉靖中倭患亟每以官兵戍守之
唐順之曰江南控扼在崇明浙東控扼在舟山天
設此險以障蔽江浙門戶諸哨船皆自此分而南
北總會於洋山信國廢昌國
而內徙之誠千慮之一失也

國朝順治八年遣將畧定十三年徙人民入內地康熙

二十三年海氛既靖議復溫寧台沿海地移定海
總兵於舟山二十五年題請設立縣治二十六年
改舟山為定海山二十七年建縣治

賜名定海縣總四鄉十九圖內昌國鄉為附郭

定海縣志夏在

樞翁州辨考夏少康封其庶子無餘為諸侯以奉禹祀是為越國其東境皆其采地也至周元王三年戊辰句踐滅吳欲置夫差於甬東君百家左傳注云甬東即句章東海中洲也吳語曰甬句東注句章東海中洲也越語注云甬甬江句句章通典曰越徙夫差於甬東韋昭曰即句章東決口外洲輿地廣記定海有大決江是決口外洲即翁洲也翁洲之地為甬東自周而已然矣漢武帝元鼎六

年遣撫海將軍韓說自句章浮海九域志云句章
即山為名斯時寧府及諸縣皆未立名而幅員所
轄甚廣歷漢晉宋梁陳皆因之至隋文帝開皇九
年平陳并餘姚皆入句章而隸於吳州改隸越州
至唐高祖武德四年始析句章置姚州鄞州七年
廢姚州入餘姚八年廢鄞州為鄞縣而並隸於越
州唐明皇開元二十六年因採訪使齊澣奏分為
四縣屬明州曰鄞縣曰奉化曰慈溪曰翁山翁山
即今之定海也始自為一邑唐代宗大歷六年海
寇袁晁據翁山縣鄞縣久不克是年廢翁山尋復
之至宋神宗熙寧六年改翁山為昌國縣元世祖
至元十五年戶口倍萬升邑為州今歷考之定海
雖處海中周屬甬東秦屬句章五代因之唐名翁
山宋改昌國元升為州典籍俱存不得斷以臆說也

紹興府

越絕書禹到大越上茅山大會計爵有德封有功更
名茅山曰會稽

謹按茅山皇
覽作苗山

通鑑綱目前編夏后少康五十有二歲封庶子無餘
於越以奉先王墓祀

通典春秋時越國之都

太平寰宇記秦滅楚以越并入吳立會稽郡

漢書地理志注漢高帝六年為荊國十二年更名吳

景帝四年會稽郡屬揚州

謹按漢會稽郡所領縣在今紹興府者
有餘暨諸暨山陰餘姚上虞剡六縣

宋書州郡志永建

年漢順帝

四年分會稽為吳郡會稽

移治山陰

三國吳志注山陰朱育仕郎門下書佐
太守濮陽府君曰吾聞秦始皇二十五

年以吳越地為會稽郡治吳漢封諸侯王以何年
復為郡而分治於此育對曰劉賈為荊王賈為英
布所殺又以劉濞為吳王景帝四年濞誅復為郡
治於吳元鼎元年除東越國因以其地為治來屬
於此而東部都尉後徙章安陽朔元年又徙治鄞
或有寇害復徙句章到永建四年劉府君上書浙
江之北以為吳郡會稽
還治山陰府君稱善焉

宋書州郡志餘暨吳更名永興

三國吳志太平二年以會稽東部為臨海郡永安三年以會稽南部為建安郡寶鼎元年分會稽為東陽郡

謹按後漢會稽郡全統浙江以東及閩中地自孫亮立臨海郡以章安永寧并所立之臨海始平羅陽松陽樂成屬之孫休立建安郡即東部侯國地孫皓立東陽郡以烏傷大末併所立長山永康新安吳寧豐安定陽平昌屬之是後漢郡國志會稽郡所列十四城在三國吳時惟山陰鄞諸暨餘暨上虞剡餘姚句章鄞九縣并上虞所分之始寧縣為今日之紹興寧波二府地殆不復與台金衢嚴

溫處相
統攝矣

晉書地理志晉平吳揚州統會稽郡郡統縣十山陰
上虞餘姚句章鄞郡始寧剡永興諸暨

嘉泰會稽志東晉為會稽國改太守為內史

清類天文分野之書咸和四年改會為鄞

謹按改鄞之由以內史王舒其父
名會求改他郡而朝議改曰鄞也

嘉泰會稽志宋永初二年罷會稽郡府復為會稽郡
資治通鑑孝建元年分揚州浙東五郡置東揚州治

會稽

宋書州郡志永光元年省東揚州并揚州

謹按宋會稽太守領縣十山陰永興上虞餘姚剡諸暨始寧句章鄞鄮與晉同南齊州郡志亦仍宋之

隋書地理志梁置東揚州

梁書敬帝紀罷東揚州

陳書文帝紀以會稽置東揚州

隋書地理志平陳改曰吳州置總管府

隋書地理志會稽舊置會稽郡平陳郡廢又廢山陰

永興上虞始寧四縣入句章併餘姚鄞三縣入

謹按明一統志云陳析置會稽縣故隋以山陰諸縣并入也第考元和郡縣志則曰隋平陳改山陰為會稽縣是陳未嘗置會稽縣也元和志與隋近姑存以俟考

晏公類要大業初改為越州後廢州為會稽郡

隋書地理志會稽郡統縣四會稽句章剡諸暨

唐書地理志武德四年以剡置嵎州并析置剡城縣

餘姚析故句章縣置以縣置姚州析故句章縣置

鄞州

太平寰宇記武德四年置越州總管管越嵎姚鄞浙
網衢縠麗嚴婺十一州

唐書地理志山陰武德七年析會稽置餘姚州廢來
屬

太平寰宇記改總管為都督督越婺鄞嵎麗五州越
州領會稽諸暨山陰餘姚四縣

唐書地理志武德八年嵎州廢省剡城以剡來屬鄞

州廢更置鄞縣隸越州山陰省

太平寰宇記貞觀元年更督越婺泉建台括六州
文獻通考越州唐屬江南道

唐書地理志永興儀鳳二年置

唐書地理志山陰垂拱二年復置

玉海景雲二年越州為中都督府

輿地廣記開元二十六年採訪使齊澣奏以越州之

鄞縣置明州

謹按唐開元以前明州係越州之鄞縣地自齊澣奏置明州而越明乃各為一州不復相統屬矣

通志地理畧開元十道圖越州江南東道

舊唐書地理志天寶元年改越州為會稽郡永興改為蕭山

謹按天寶中會稽郡領縣六
會稽山陰諸暨餘姚剡蕭山

清類天文分野之書乾元元年分置浙江東道節度
治越州大歷四年改置浙東觀察使

唐書方鎮表大歷十四年以浙東所管隸浙西道

唐書地理志上虞貞元中析會稽置

唐書方鎮表建中元年復置浙江東道觀察使二年
以所管州隸浙江西道中和三年升浙江東道觀
察使為義勝軍節度使光啟三年改威勝軍乾寧
三年改鎮東節度

唐書地理志越州會稽郡縣七會稽山陰諸暨餘姚
剡蕭山上虞

十國春秋乾寧四年錢鏐號越州為東府

注國中亦
稱東都

十國春秋梁勅升越州為大都督府

十國春秋晉天福五年析東府剡縣十三鄉為新昌縣改剡縣為瞻縣

十國春秋吳越東府越州領縣八會稽山陰諸暨瞻餘姚蕭山上虞新昌

元豐九域志宋大都督府越州會稽郡鎮東軍節度

紹興府志太平興國三年罷浙東軍止稱越州

宋史地理志兩浙路越州

宋史地理志大觀元年升為帥府領兩浙東路兵馬

鈐轄

資治通鑑建炎四年升越州為紹興府

嘉泰會稽志
建炎四年四

月駐蹕越州越明年正月十一日改元紹興越州
官吏上表乞賜府額於是用唐德宗興元故事改

越州為

紹興府

宋史地理志紹興府為東路

宋史地理志紹興府縣八會稽山陰嵯諸暨餘姚上

虞蕭山新昌

元史地理志至元十三年改紹興路

元史地理志江浙等處行中書省為路紹興

元史地理志浙東海右道肅政廉訪司紹興路

續文獻通考元貞元年升餘姚諸暨為州

元史地理志紹興路上領縣六山陰會稽上虞蕭山

嵊新昌州二餘姚諸暨

元史明復為紹興府

續文獻通考諸暨初為諸全州尋復改諸暨縣餘姚

州復改為縣

明一統志浙江等處承宣布政使司領紹興府

續文獻通考紹興府領山陰會稽蕭山諸暨餘姚上虞嵊縣新昌八縣

國朝定為紹興府屬浙江布政使司領縣八山陰會稽蕭山諸暨餘姚上虞嵊縣新昌

山陰縣

越絕書夏無餘初封大越都秦餘望南至句踐徙治

山北句踐小城山陰城也

清類天文分野之書秦始皇二十五年置山陰縣

漢書地理志會稽郡山陰

宋書州郡志永建四年會稽郡移治山陰

謹按三國

吳因之

晉書地理志會稽郡統縣山陰

嘉泰會稽志晉屬會稽國宋永初二年復屬會稽郡

南齊書州郡志會稽郡山陰

謹按梁陳

並內之

隋書地理志平陳廢山陰

唐書地理志山陰武德七年析會稽置八年省垂拱
二年復置大歷二年省七年復置元和七年省十
年復置

唐書地理志越州會稽郡山陰

緊

十國春秋吳越東府越州領縣山陰

宋史地理志紹興府山陰

望

元史地理志紹興路領縣山陰

上倚郭

舊浙江通志明山陰縣屬紹興府

國朝山陰縣屬紹興府附郭編戶二百十一里

會稽縣

史記夏本紀禹會諸侯江南計功命曰會稽會稽者
會計也

通志地理畧越都會稽

清類天文分野之書秦始皇二十五年置會稽郡

輿地廣記漢順帝以後為郡治

謹按吳晉宋齊梁並因之

明一統志陳析置會稽縣

謹按元和郡縣志會稽縣隋始改置

隋書地理志平陳廢山陰永興上虞始寧四縣入會

稽名勝志山陰上虞二縣已復而始寧屬會稽之三界市永興入蕭山境

隋書地理志會稽郡統縣會稽

唐書地理志越州會稽郡會稽

望

十國春秋吳越東府越州領縣會稽

宋史地理志紹興府會稽

望

元史地理志紹興路領縣會稽

中倚郭

舊浙江通志明會稽縣屬紹興府

國朝會稽縣屬紹興府附郭編戶一百二十里

蕭山縣

元和郡縣志本曰餘槩吳王弟夫槩邑

漢書地理志會稽郡餘暨

謹按平帝時莽改餘衍世祖建武初復舊永建分郡時仍屬會稽

方輿紀要三國吳改曰永興

謹按吳時仍屬會稽郡

晉書地理志會稽郡統縣永興

宋書州郡志會稽太守領永興

謹按齊梁陳並因之

隋書地理志平陳廢永興入會稽

舊唐書地理志儀鳳二年分會稽諸暨置永興縣天

寶元年改為蕭山

名勝志以縣西一里有蕭山而名毛奇齡蕭山縣誌刊誤予縣

自秦始皇分郡縣時即有其縣名曰餘暨兩漢因之而不改至三國吳時改名永興而唐天寶間則人更名蕭山此其因革亦自瞭然者雲間陸伯生作廣輿記注蕭山為漢縣以為縣始於漢已可怪矣至薛應旂作浙江通志至云蕭山縣始於唐降為唐縣而康熙年間續修通志亦復因之而不改及考其由來則明嘉靖間縣明府施君堯臣作築城記云蕭山舊未有縣自唐儀鳳始割地為永興而天寶易以今名似乎前此全未置縣且全不以永興為復置而以為創置者則縣自唐儀鳳始矣夫縣城記所係亦大而當時誤為之而不知後之為志者則又載其久而全不之省宜乎通志之竟降為唐縣也

唐書地理志越州會稽郡蕭山

十國春秋吳越東府越州領縣蕭山

宋史地理志紹興府蕭山

望

元史地理志紹興路領縣蕭山

中

舊浙江通志明蕭山縣屬紹興府

國朝蕭山縣屬紹興府編戶一百四十二里

諸暨縣

路史秦縣界有諸山暨浦允常之都

漢書地理志漢會稽郡諸暨

謹按平帝時莽改諸暨為疏內世祖建武初復舊東漢及吳皆屬會稽郡

晉書地理志會稽郡統縣諸暨

宋書州郡志會稽太守領諸暨

謹按齊梁陳並因之

隋書地理志會稽郡統縣諸暨

唐書地理志越州會稽郡諸暨

望

十國春秋吳越東府越州領縣諸暨

注初改暨陽天寶元年仍奏改

諸

暨

謹按後梁開平二年吳越改元天寶私行於境中
既而復通中國或諱而不稱十國春秋據其行於
境中者而書故
曰天寶元年

清類天文分野之書乾道八年以其地之楓橋鎮置

義安縣後省

宋史地理志紹興府諸暨

望

元史地理志元貞元年升州

元史地理志紹興路領諸暨州

下

史槩至正十九年諸暨改為諸全州至正二十六年
改諸全州為諸暨縣

舊浙江通志明諸暨縣屬紹興府

國朝諸暨縣屬紹興府編戶一百五十二里

餘姚縣

史記正義舜後支庶所封之地舜姚姓故云餘姚華鎮

考古舜之後封於會稽羅泌云舜支庶或食上虞朱子曰餘上二邑皆以舜名而虞特多舜蹟者疑其子孫所封或云姚邱止見於虞不知姚墟陶邱古字通稱然支庶所封亦不詳其何名始於何代

因稍近實故從其
說以俟博古者

清類天文分野之書秦屬會稽郡

漢書地理志會稽郡餘姚

謹按東漢及
吳並因之

晉書地理志會稽郡統縣餘姚

宋書州郡志會稽太守領餘姚

謹按齊梁
陳並因之

隋書地理志平陳并餘姚入句章

舊唐書地理志武德四年復置仍置姚州七年州廢

縣屬越州

唐書地理志越州會稽郡餘姚

縣

十國春秋吳越東府越州領縣餘姚

宋史地理志紹興府餘姚

望

元史地理志紹興路領餘姚州元貞元年升

下

舊浙江通志明復為餘姚縣屬紹興府

國朝餘姚縣屬紹興府編戶二百七十五里

上虞縣

水經注本司鹽都尉治地名虞賓

路史縣距餘姚七十鄴道元所謂虞

濱西三十有虞山曰上虞又注太康地記謂帝避丹朱於此故縣北有百官橋一曰舜橋郡國志云禹興諸儒會事於此相虞樂而名尤妄

清類天文分野之書秦上虞縣屬會稽郡

漢書地理志會稽郡上虞

謹按平帝時莽改會稽建武初復舊

會稽記永建四年分上虞南鄉立始寧縣

宋書州郡志何承天

志漢末分上虞立續漢志

無晉太康三年地志有

謹按上虞始寧並屬

會稽郡三國吳同

晉書地理志會稽郡統縣上虞始寧

宋書州郡志會稽太守領上虞始寧

謹按齊梁
陳並因之

隋書地理志廢上虞始寧入會稽

上虞縣志貞元中復置上虞縣

太平寰宇記長慶初廢入餘姚後復置移於此地

勝名

志水經注云舊治水西常有波蕩之患晉中興初
治今處江水東逕縣南蓋今百官湖也然今治則
自唐長
慶中徙

唐書地理志越州會稽郡上虞繫

十國春秋吳越東府越州領縣上虞

宋史地理志紹興府上虞望

元史地理志紹興路領縣上虞上

舊浙江通志明上虞縣屬紹興府

國朝上虞縣屬紹興府編戶一百四十二里

嵯縣

資治通鑑注剡漢古縣

漢書地理志會稽郡剡縣

謹按平帝時莽改盡忠世祖建武初復舊東漢及吳皆屬會稽郡

晉書地理志會稽郡統剡縣

宋書州郡志會稽太守領剡縣

謹按齊梁陳隋並因之

舊唐書地理志武德四年置嵯州及剡城縣八年廢

嵎州及剡城以剡縣來屬

謹按縣東有筆山南有黃山西有西山山北有山合四山故曰嵎也

唐書地理志越州會稽郡剡縣

望

十國春秋吳越東府越州領瞻縣

注本為剡縣後因二火一刀之說惡

其不祥故改為瞻有瞻都鎮

宋史地理志宣和八年改嵎

宋史地理志紹興府嵎縣

望

元史地理志紹興路領嵎縣

上

舊浙江通志明嵎縣屬紹興府

國朝嵎縣屬紹興府編戶八十八里

新昌縣

續文獻通考本剡之東鄙

十國春秋天福五年析剡縣十三鄉為新昌縣

十國春秋吳越東府越州領縣新昌

宋史地理志紹興府新昌

緊

元史地理志紹興路領縣新昌

中

舊浙江通志明新昌縣屬紹興府

國朝新昌縣屬紹興府編戶三十里

台州府

通典春秋及戰國時屬越

謹按越世家楚威王敗越王無疆取越諸族子濱於江南海上服朝於楚則戰國時台州固屬楚矣

十道志秦屬閩中郡

與地紀勝資治通鑑秦始皇帝二十六年王翦悉定江南之地

而杜氏通典以為秦屬會稽郡而元和郡縣志及寰宇記乃以為屬閩中郡有此不同象之按元和郡縣志於台州下書云秦併天下置閩中郡漢立南部都尉是元和郡縣志以為在秦則屬閩中郡

在漢則屬會稽郡意者秦併天下盡取甌閩之地
置閩中郡漢封東越王以王其地及武帝平東越
盡徙其民於江淮間而閩中郡不復再置第置治
縣以撫其遺民治縣既隸於會稽郡而回浦亦為
會稽郡之屬邑則是東越之亡而閩中郡地已併
入會稽郡與元和志之說相應漢既不置閩中郡
而以秦閩中故地置為治縣及回浦縣併屬會稽
郡故秦三十六郡之中既有會稽郡又有閩中郡
前漢書地理志第有會稽郡而無閩中郡此元和
郡縣志所書所以有秦漢之異也後人第見漢之
屬會稽郡而不知秦之屬閩中郡當從元和郡
縣志書曰秦屬閩中郡通典所書非是今不取

文獻通考漢屬會稽郡亦東甌之境

山海經注臨海
永寧縣即東甌

地故

太平御覽始元二年以東甌地為回浦縣

太平寰宇記後漢光武時改回浦為章安

後漢書郡國志永和三年以章安東甌鄉為永寧縣

資治通鑑注會

稽東部都尉治

謹按後漢志章安故治閩越地光武更名前漢都

尉治鄞後漢分會稽為吳郡以都尉徙治章安故

為會稽東

部都尉治

太平寰宇記吳初置南始平縣

太平寰宇記吳大帝分章安永寧置臨海縣會稽王

置臨海郡

與地紀勝赤城志云初治臨海尋治章安元和郡縣志云吳大帝分章安永寧

置臨海郡

晉志云吳置臨海郡治章安而不言其

時宋志云吳孫亮太平二年立臨海郡不同象之

議按宋志云吳大帝置臨海縣吳會稽王置臨

海郡則與宋志合緣元和郡縣志以置臨海縣之

時即以為置臨海郡故有大帝孫亮之異

當從宋志記分置縣與置郡之事為正

謹按臨海郡吳屬

揚州晉後因之

宋書州郡志始平晉太康元年更名始豐

太平策宇記晉永和三年置樂安縣寧海縣

晉書地理志臨海郡統縣八章安臨海始豐永寧寧

海松陽安固橫陽

謹按晉臨海郡八縣是明帝以前事自太寧元年分永寧松陽安固橫陽立永嘉郡臨海郡北統四縣俱屬今之台州府又樂安一縣太平寰宇記云尋省考宋書州郡志臨海太守領縣五有樂安令則晉時之未省可知且云晉康帝分始豐立則亦非穆帝永和三年也附記於此

赤城志宋孝建元年析楊之五郡為東揚州臨海與焉

宋書州郡志永光元年省東揚州并揚州臨海太守領縣五章安臨海始豐寧海樂安

謹按南齊因之
梁又屬東揚州

太平寰宇記梁又為赤城郡

謹按隋唐地理志皆無此文惟嘉定赤城志云梁武帝改為赤城郡尋復為臨海縣是亦據太平寰宇記而書耳然台州之稱赤城固由於此

陳書文帝紀天嘉三年屬東揚州

赤城志至德元年復為郡治始豐

謹按赤城新志云至德元年置章安郡徧考諸史並無其文當是復臨海郡故隋廢郡仍為臨海縣

元和郡縣志隋平陳廢郡為臨海縣

通典開皇九年屬永嘉郡

赤城志廢始豐寧海復入臨海

謹按隋志平陳廢郡以臨海入處州則諸縣之并
省皆在此時至永嘉郡之置在大業中此當云入
處州不當云
屬永嘉郡也

舊唐書地理志武德四年平李子通置海州領臨海

章安始豐樂安寧海五縣

資治通鑑注武德四年
分臨海縣置寧海縣

舊唐書地理志武德五年改為台州六年沒於輔公

柝七年仍置台州省寧海入章安

輿地紀勝因郡
界天台山而名

舊唐書地理志武德八年廢始豐樂安三縣入臨海
貞觀八年復分置始豐

謹按武德八年所廢三縣舊
唐書地理志脫漏章安二字

文獻通考台州唐屬江南道

唐書地理志始豐上元二年更名唐興永寧樂安析
臨海置

舊唐書地理志永昌元年分臨海置寧海

唐書地理志永寧天授元年更名黃巖

通志地理畧開元十道圖台州江南東道

文獻通考天寶元年改臨海郡

赤城志乾元元年復為台州

唐書地理志台州臨海郡上縣五臨海唐興黃巖樂

安寧海

十國春秋光啟二年升台州為德化軍節度

續文獻通考五代時錢氏奏改唐興為台興樂安為

永安

十國春秋吳越台州領縣五臨海黃巖台興永安寧

海

元豐九域志宋建隆元年改台興縣為天台景德四年改永安縣為仙居

宋史地理志兩浙路台州

文獻通考台州屬浙東路

宋史地理志台州上臨海郡軍事縣五臨海黃巖寧

海天台仙居

元史地理志至元十三年置安撫司十四年改台州

路總管府

元史地理志江浙等處行中書省為路台州

元史地理志浙東海右道肅政廉訪司台州路

續文獻通考元貞元年升黃巖縣為州

元史地理志台州路上領縣四臨海仙居寧海天台

州一黃巖

函史明改台州府

明一統志黃巖仍改為縣

明一統志浙江等處承宣布政使司領台州府

續文獻通考成化六年建太平縣

續文獻通考台州府領臨海黃巖天台仙居寧海太平六縣

國朝定為台州府屬浙江布政使司領縣六臨海黃巖天台仙居寧海太平

臨海縣

通典漢會稽郡地

晏公類要本漢會稽郡之回浦縣地

後漢書郡國志後漢會稽郡章安

宋書州郡志章安續漢志故治閩中

地光武更名晉太康記本鄞縣南之回浦鄉漢章帝章和中立未詳孰是

通典吳太元二年分章安置臨海縣

謹按吳置臨海縣尋立臨海郡徙郡治於章安以縣屬焉

晉書地理志臨海郡統縣臨海

宋書州郡志臨海太守領臨海

謹按齊梁陳並因之

隋書地理志永嘉郡統縣臨海

謹按開皇中屬處州
大業初屬永嘉郡

舊唐書地理志武德四年於縣置台州

謹按舊唐書地理志台州總轄書云武德四年置
台州五年改為台州於臨海縣則云四年於縣置
台州蓋
省文也

唐書地理志武德四年析置章安縣八年省

唐書地理志台州臨海郡臨海

望

十國春秋吳越台州領縣臨海

宋史地理志台州臨海郡軍事縣臨海望

元史地理志台州路領縣臨海

上倚郭

舊浙江通志明臨海縣屬台州府

國朝臨海縣屬台州府附郭編戶一百八十里

黃巖縣

資治通鑑注章安前漢冶縣故閩越地屬會稽郡

謹按胡注云沈約曰臨海太守本會稽東部都尉治前漢都尉治鄞後漢分會稽為吳郡疑是都尉徙治章安也晉太康記章安本鄞縣南之回浦鄉太康記所云即吳臨海郡之章安縣地今台州黃

巖縣章安鎮是也觀此則
黃巖之為章安地明矣

唐書地理志黃巖本永寧上元二年析臨海置天授

元年更名

謹按太平寰宇記黃巖縣序云漢縣順帝永和元年置今溫州永嘉縣歷六朝不改至隋併入臨海縣唐復析臨海置縣改為黃巖與永嘉序所云漢永寧縣隋改為永嘉縣其說自相矛盾今考新舊唐書乃知隋改永嘉者漢之永寧也黃巖之為永寧蓋上元初別析臨海所置也

唐書地理志台州臨海郡黃巖

上

十國春秋吳越台州領縣黃巖

宋史地理志台州臨海郡軍事縣黃巖

望

元史地理志黃巖州元貞元年升

下

元史地理志台州路領黃巖州

台州府志明復為縣屬台州府

舊浙江通志明黃巖縣屬台州府

國朝黃巖縣屬台州府編戶一百五十六里

天台縣

赤城新志漢章安縣地

元和郡縣志吳分章安置南始平縣

太平寰宇記晉太康元年更名始豐

謹按元和郡縣志武帝以雍州有始平改為始豐
通典晉永康元年更名始豐永康係惠帝年號與
此異

晉書地理志臨海郡統縣始豐

宋書州郡志臨海太守領始豐

謹按齊志
亦仍舊

舊唐書地理志隋末廢武德四年復置八年又廢貞

觀八年復為臨海縣上元二年改為唐興

唐書地理志台州臨海郡唐興

上

吳越備史梁勅改唐興縣為天台縣

冊府元龜晉天福七年改唐興為台興縣

十國春秋注按歐陽

名云唐興宋梁改為天台後復故石晉改為台興
邑名屢改故前後易潤又順存錄載開平三年改
唐興為新興
未詳是非

十國春秋吳越台州領縣台興

赤城志宋建隆初改今名

宋史地理志台州臨海郡軍事縣天台

上

元史地理志台州路領縣天台

中

舊浙江通志明天台縣屬台州府

國朝天台縣屬台州府編戶四十二里

仙居縣

輿地志晉永和三年分始豐南鄉置樂安縣屬臨海郡

宋書州郡志臨海太守領樂安

南齊書州郡志臨海郡樂安

清類天文分野之書隋開皇九年省

唐書地理志武德四年析臨海置樂安八年省上元

二年復置

唐書地理志台州臨海郡樂安

上

續文獻通考五代時錢氏奏改永安

十國春秋吳越台州領縣永安

赤城志宋景德更今名

萬歷仙居縣志王溫振宅上昇郡以上聞遂更名曰仙居

宋史地理志台州臨海郡軍事縣仙居

上

元史地理志台州路領縣仙居

舊浙江通志明仙居縣屬台州府

國朝仙居縣屬台州府編戶九十五里

寧海縣

清類天文分野之書漢鄞縣地

輿地廣記晉析回浦鄞二縣地置寧海縣

太平寰宇記
永和三年置

晉書地理志臨海郡統縣寧海

宋書州郡志臨海太守領寧海

謹按齊梁

陳並因之

元和郡縣志隋開皇九年廢郡併入章安縣

謹按隋書有臨海縣無章安縣當是廢臨海郡而併入臨海縣也

唐書地理志寧海武德四年析臨海置七年省入章

安永昌元年復置

唐書地理志台州臨海郡寧海

上

十國春秋吳越台州領縣寧海

宋史地理志台州臨海郡軍事縣寧海

望

元史地理志台州路領縣寧海上

舊浙江通志明寧海縣屬台州府

國朝寧海縣屬台州府編戶一百十三里

太平縣

太平縣志縣故黃巖南壤

赤城新志明成化六年析黃巖南鄉置太平縣

章綸建縣

記台之屬邑曰黃巖東南距邑八九十里連樂清界征徭賦役往往後時知府阮勤具奏且謂泉溪太平鄉土地肥美居民繁庶無異縣治於是經野畫界起黃巖三十都至五十都為縣名曰太平台

州府志成化十二年又析樂清之山門玉環二鄉以附益之

舊浙江通志明太平縣屬台州府

國朝太平縣屬台州府編戶五十里

金華府

太平寰宇記春秋戰國時為越之西界

通典秦屬會稽郡

太平寰宇記漢初屬荆吳二國

漢書地理志會稽郡縣烏傷太末

文獻通考二漢置會稽西部都尉

後漢書郡國志注烏傷初平三年分為長山縣太末
分立新安縣

後漢書郡國志注諸暨興平二年分立吳寧縣

宋書州郡志豐安興平二年孫氏分諸暨立

謹按豐安廢縣在浦江縣西南宋書所載是也後漢郡國志注建安四年孫氏分太末立豐安縣似有誤

宋書州郡志吳赤烏二年分太末立平昌八年分烏
傷上浦立永康

三國吳志寶鼎元年分會稽為東陽郡

名勝志以其地在金華山

之南穀水之東因以為名

晉書地理志吳揚州統東陽郡

晉書地理志東陽郡統縣九長山永康烏傷吳寧太

末信安豐安定陽遂昌

護按晉東陽郡統縣九內惟長山永康烏傷後屬金華府吳寧併入金華縣豐安廢於隋其定陽太

末信安後屬衢州府遂昌後入處州府

萬歷金華府志宋孝建元年分揚州之五郡為東揚

州東陽與其一

謹按永光元年省東揚州併揚州則東陽郡仍屬揚州矣又按南宋南齊東陽郡領縣九皆與晉同而萬歷金華府志云齊省吳寧豐安考吳寧豐安後並廢當於隋正史具在特附正之

文獻通考梁置金華郡

謹按金華置郡梁書帝紀不載考資治通鑑注元帝時於東陽郡置婺州梁末又置縉州尋復為東陽郡通考未知河據存以候考

陳書文帝紀天嘉三年東陽郡平

謹按東陽郡平謂司空侯安都破留異也而通典云陳置金華郡意是年即省縉州改名金華郡矣

隋書地理志平陳置婺州廢建德太末豐安三縣入

長山改為吳寧縣

太平寰宇記開皇九年平陳省郡分長山等九縣為吳州十三

年又於此郡舊處復置婺州蓋取其地於天文婺女之分以為州名焉

隋書地理志大業初置東陽郡

隋書地理志東陽郡統縣四金華永康烏傷信安

謹按金華縣即長山也隋改名吳寧後改金華廢太末豐安入金華其定陽置而復廢遂昌廢入處州故曰領縣四也

舊唐書地理志武德四年以烏傷置綢州并析置華

川縣置婺州領華川長山二縣永康置麗州七年
廢綢州及華川縣改烏傷為義烏縣以縣屬婺州
八年廢麗州以永康來屬廢長山入金華縣

文獻通考婺州唐屬江南道

唐書地理志蘭溪咸亨五年析金華置東陽垂拱二
年析義烏置

舊唐書地理志天授二年分永康置武義縣

尋改武成

通志地理畧開元十道圖婺州江南東道

舊唐書地理志天寶元年改婺州為東陽郡

唐書地理志浦陽天寶十三年析置

舊唐書地理志乾元元年復為婺州

唐書方鎮表隸浙江東道節度

唐書地理志婺州東陽郡上縣七金華義烏永康東

陽蘭溪武成浦陽

十國春秋吳越武肅王改浦陽為浦江武成復名武

義

十國春秋晉天福四年勅升婺州為武勝軍

謹按十國春秋藩鎮表載天福五年升武勝軍九域志作武陽通志又云升為武勝府與此互異

十國春秋吳越婺州領縣七金華東陽義烏蘭溪永

康武義浦江

宋史地理志淳化元年改保寧軍節度

宋史地理志兩浙路婺州

文獻通考婺州屬浙東路

宋史地理志婺州上東陽郡縣七金華義烏永康武

義浦江蘭溪東陽

元史地理志至元十三年改婺州路

元史地理志江浙等處行中書省為路婺州

續文獻通考元貞元年升蘭溪縣為州

續文獻通考浙東道宣慰司都元帥府元治婺州大

德六年移治慶元置浙東海右道肅政廉訪司

元史地理志婺州路上頌縣六金華東陽義烏永康

武義浦江州一蘭溪

名山藏至正十八年明置中書分省於婺州改曰寧

越府洪武二年復以蘭溪為縣二十年復名寧越府曰金華

明一統志浙江等處承宣布政使司領金華府

續文獻通考成化七年析龍游金華蘭谿遂昌置湯溪縣

續文獻通考金華府領金華蘭谿東陽義烏永康武義浦江湯溪八縣

國朝定為金華府屬浙江布政使司領縣八金華蘭谿

東陽義烏永康武義浦江湯溪

金華縣

太平寰宇記本漢烏傷縣地

後漢書郡國志注後漢初平三年分縣南鄉為長山

縣輿地廣記本曰長仙赤松子採藥此山因以為
縣名名山紀畧有長山在東北因之為名隋改為

金華即長

山別名也

輿地廣記三國吳為東陽郡治

清類天文分野之書
晉宋齊梁陳並因之

隋書地理志平陳改為吳寧縣十二年改曰東陽十

八年改名金華

隋書地理志東陽郡統縣金華

謹按武德四年復析金華縣

置長山縣同華川鎮於婺州

唐書地理志武德八年省長山入金華垂拱四年曰

金山神龍元年復名金華

唐書地理志婺州東陽郡金華

望

十國春秋吳越婺州領縣金華

宋史地理志婺州東陽郡金華

望

元史地理志婺州路領縣金華

上倚郭

金華縣志明洪武初仍為吳寧縣尋復為金華

舊浙江通志明金華縣屬寧越府尋屬金華府

國朝金華縣屬金華府附郭編戶二百五里

蘭谿縣

輿地廣記本金華縣地

清類天文分野之書唐咸亨五年分金華之西部三河

戍置蘭溪縣

名勝志東陽記云蘭溪縣治西南六里有蘭陰山故名以其橫截大溪名蘭溪

唐書地理志婺州東陽郡蘭溪

紫

十國春秋吳越婺州領縣蘭溪

宋史地理志婺州東陽郡蘭溪

望

元史地理志婺州路領蘭溪州元貞元年升

下

舊浙江通志明洪武二年復為蘭谿縣屬寧越府尋

屬金華府

國朝蘭谿縣屬金華府編戶二百六十九里

東陽縣

清類天文分野之書漢興平二年分諸暨置吳寧縣

謹按三國吳隸東陽郡
晉宋齊梁陳俱因之

清類天文分野之書隋開皇中縣罷分五鄉入烏傷

名勝志唐垂拱二年分烏傷及廢吳寧縣治置縣

謹按縣名因東
陽舊郡而立

唐書地理志婺州東陽郡東陽

望

名勝志梁開平四年錢鏐奏改東場

十國春秋吳越婺州頤縣東場

清類天文分野之書宋咸平中復曰東陽

宋史地理志婺州東陽郡東陽

上

元史地理志婺州路領縣東陽

上

舊浙江通志明東陽縣屬寧越府尋屬金華府

國朝東陽縣屬金華府編戶二百二里

義烏縣

漢書地理志漢會稽郡烏傷

異苑東陽顏烏以淳孝著聞後有羣烏銜鼓集

顏烏所居之村烏口皆傷一境以為至孝故致慈烏欲全孝聲遠聞又名其縣曰烏傷

謹按烏傷本秦縣也漢因之平
帝時莽改烏孝建武初復舊

清類天文分野之書三國吳屬東陽郡

謹按晉宋齊
梁陳皆因之

隋書地理志平陳置婺州統烏傷

太平寰宇記唐武德四年於此置綢州分烏傷立華

川縣七年州縣并廢改烏傷為義烏縣

金華府志
唐武德中

割烏傷一縣立綢州分置烏孝華川二縣七
年州廢復合華川烏孝為一縣易名義烏

唐書地理志婺州東陽郡義烏

緊

十國春秋吳越婺州領縣義烏

宋史地理志婺州東陽郡義烏

望

元史地理志婺州路領縣義烏

上

舊浙江通志明義烏縣屬寧越府尋屬金華府

國朝義烏縣屬金華府編戶一百四十五里

永康縣

清類天文分野之書漢烏傷縣地

資治通鑑注吳大帝赤烏八年分上虞烏傷立永康

縣屬東陽郡

晉書地理志東陽郡統縣永康

宋書州郡志東陽太守領永康

謹按齊梁
並仍舊

隋書地理志隋東陽郡統縣永康

謹按隋開皇九年永康
革入吳寧縣隋末復之

舊唐書地理志武德四年置麗州又分置縉雲縣八

年廢麗州及縉雲縣以永康來屬

唐書地理志婺州東陽郡永康

望

十國春秋吳越婺州領縣永康

宋史地理志婺州東陽郡永康

緊

元史地理志婺州路領縣永康

上

舊浙江通志明永康縣屬寧越府尋屬金華府

國朝永康縣屬金華府編戶一百二十三里

武義縣

清類天文分野之書漢烏傷縣地

舊唐書地理志天授二年分永康置武義縣又改為

武成

謹按太平寰宇記云吳赤烏八年分烏傷永康置武義縣考赤烏八年始分烏傷置永康縣不應是年即分永康又置縣且晉書地理志并宋齊州郡志並無武義一縣則縣自唐始置無疑也

唐書地理志婺州東陽郡武成

上

十國春秋吳越婺州頌縣武義

謹按復名武義

在唐天祐中

宋史地理志婺州東陽郡武義

上

元史地理志婺州路領縣武義中

舊浙江通志明武義縣屬寧越府尋屬金華府

國朝武義縣屬金華府編戶九十三里

浦江縣

水經注浦陽江源出烏傷縣

宋書州郡志興平二年孫氏分諸暨立豐安

方輿紀要浦江

縣西南有豐安廢縣沈約南宋書所載是也後漢書郡國志注云建安四年孫氏分太末立豐安縣悞

隋書地理志平陳廢豐安

唐書地理志天寶十三載析義烏蘭溪及杭州之富

陽置浦陽

唐書地理志婺州東陽郡浦陽

上

十國春秋吳越改婺州浦陽縣為浦江縣

順存錄梁貞明三年

改

十國春秋吳越婺州領縣浦江

宋史地理志婺州東陽郡浦江

上

元史地理志婺州路領縣浦江

中

舊浙江通志明浦江縣屬寧越府尋屬金華府

國朝浦江縣屬金華府編戶一百三里

湯溪縣

續文獻通考本龍游東鄙金華西鄙蘭溪南鄙遂昌

北鄙

萬歷金華府志成化七年增置湯溪縣

名勝志郡守李嗣以金衢

處三府界有湯溪其地僻遠居民獷悍難治請置為縣從之遂以湯溪為名

舊浙江通志明湯溪縣屬金華府

國朝湯溪縣屬金華府編戶八十五里

衢州府

國語句踐之國西至於姑蔑

左傳魯哀公十三年越子伐吳王孫彌庸見姑蔑之

旗曰吾父之旗也

注姑蔑越地今東陽大末縣彌庸父為越所滅故姑蔑人得其

旌旗

資治通鑑注秦為大末縣

謹按大末秦漢皆屬會稽郡漢書注孟康曰大音如塔反蓋自杭而上至常山六百九十五里逆流

多驚灘以竹索引船乃可
上大讀如達義有取焉

後漢書郡國志注初平三年分太末立新安縣

宋書州郡志定陽漢建安二十三年孫氏分信安立

謹按信安當作新安定陽縣歷晉宋齊皆統於
東陽不知省於何代何年至隋乃立而復廢也

清類天文分野之書三國吳分會稽立東陽郡太末

新安俱屬焉

宋書州郡志信安晉太康元年更名

資治通鑑注晉為東陽之境

謹按宋齊梁

陳皆仍晉舊

隋書地理志平陳廢太末入吳寧縣

輿地志唐武德四年析婺州之西境於信安縣置衢州

文獻通考州西有

三衢山因以為名

舊唐書地理志武德四年置穀州及太末白石二縣又

分置須江定陽二縣八年廢衢州及須江定陽二

縣以信安還屬婺州廢穀州

方輿紀要穀州廢太末白石廢入信安縣

唐書地理志大末貞觀八年析信安金華復置更名

龍邱隸婺州

舊唐書地理志咸亨五年分信安置常山屬婺州

太平寰宇記垂拱二年又分婺州之信安龍邱置衢

州常山改屬衢州

舊唐書地理志永昌元年分信安復置須江縣如意

元年分龍邱置盈川縣

通志地理畧開元十道圖衢州江南東道

舊唐書地理志天寶元年改為信安郡乾元元年復

為衢州常山屬信州又還衢州

唐書方鎮表衢州隸浙江東道節度

唐書地理志元和七年省盈川入信安

唐書地理志咸通中更信安曰西安

唐書地理志衢州信安郡上縣四西安龍邱須江常山

十國春秋吳越改衢州龍邱縣曰龍游又改須江縣

曰江山

十國春秋吳越衢州領縣四西安江山龍游常山

隆平集太平興國八年以衢州開化場為開化縣

續文獻通考宣和四年改龍游為盈川縣紹興初復名
龍游咸淳中改江山為禮賢縣改常山為信安縣
文獻通考衢州屬浙東路

宋史地理志衢州信安郡軍事縣五西安禮賢龍游
信安開化

元史地理志至元十三年改衢州路總管府

續文獻通考復禮賢為江山縣信安為常山縣

元史地理志江浙等處行中書省為路衢州

元史地理志浙東道宣慰司都元帥府衢州路

元史地理志衢州路上領縣五西安龍游江山常山

開化

衢州府志明初改衢州路為龍游府尋改為衢州府

明一統志浙江等處承宣布政使司領衢州府

續文獻通考衢州府領西安龍游常山江山開化五縣

國朝定為衢州府屬浙江布政使司領縣五西安龍游

常山江山開山

西安縣

水經注大末是越之西部姑蔑之地也秦以為縣

漢書地理志會稽郡大末

謹按平帝時莽改

末治建武初復舊

後漢書郡國志大末初平三年分立新安縣

輿地廣記晉太康元年改新安名信安屬東陽郡

輿地

志以弘農有新

安改名信安縣

晉書地理志東陽郡統縣太末信安

宋書州郡志東陽太守領太末信安

謹按齊梁

陳並仍舊

隋書地理志平陳置婺州統信安廢太末入吳寧縣
舊唐書地理志武德四年置衢州縣仍屬焉八年廢

衢州還屬婺州

謹按垂拱二年復置

衢州信安仍屬之

輿地廣記咸通中改信安曰西安

太平寰宇記唐末錢鏐改為西安

唐書地理志衢州信安郡西安

望

十國春秋吳越衢州領縣西安

宋史地理志衢州信安郡軍事縣西安

望

元史地理志衢州路領縣西安

中筒郭

舊浙江通志明西安縣屬龍游府尋屬衢州府

國朝西安縣屬衢州府附郭編戶一百六十五里

龍游縣

元和郡縣志本春秋姑蔑之地

舊唐書地理志漢大末縣屬會稽郡晉置龍邱縣以

山為名至隋廢

謹按晉地理志及宋齊州郡志皆有大末
豐安而無龍邱晉置龍邱之說未知何據

唐書地理志武德四年置穀州并置白石縣八年州
廢省大末白石入信安

舊唐書地理志貞觀八年分金華信安置龍邱縣屬

婺州垂拱二年屬衢州

名勝志以縣東四
十里龍邱山為名

唐書地理志如意元年析置盈川縣證聖二年置武

安縣後省武安元和七年省盈川入信安

唐書地理志衢州信安郡龍邱

緊

太平寰宇記錢鏐改為龍游

十國春秋吳越衢州領縣龍游

宋史地理志宣和三年改為盈川縣紹興初復故

元史地理志衢州信安郡軍事縣龍游

上

元史地理志衢州路領縣龍游

上

舊浙江通志明龍游縣屬龍游府尋屬衢州府

國朝龍游縣屬衢州府編戶二百一十五里

常山縣

元和郡縣志本大末縣地

方輿紀要漢建安中孫氏分新安置定陽縣三國吳
寶鼎初屬東陽郡

謹按晉地理志及宋齊州郡志皆有定陽屬東陽
郡其廢疑在梁末陳初但梁陳書不志州郡無從
覈實

元和郡縣志隋初置定陽縣隋末廢

舊唐書地理志武德四年置定陽縣八年廢常山咸

亨五年分信安置屬婺州垂拱二年改屬衢州乾

元元年屬信州又還衢州

唐書地理志衢州信安郡常山

上

十國春秋吳越衢州領縣常山

宋史地理志咸淳三年改信安

宋史地理志衢州信安郡軍事縣信安

中

元史地理志宋改信安今復舊名

元史地理志衢州路領常山

下

舊浙江通志明常山縣屬龍游府尋屬衢州府

國朝常山縣屬衢州府編戶一百六里

江山縣

太平寰宇記本信安縣之南川

舊唐書地理志須江武德四年分信安置

名勝志以南有須江因名

唐書地理志須江武德八年省永昌元年復置

唐書地理志衢州信安郡須江

上

十國春秋吳越衢州領縣江山

注本唐須江縣吳越改今名以邑有江郎山也

正德江山縣志宋咸淳中改江山為禮賢

宋史地理志衢州信安郡軍事縣禮賢

縣

方輿紀要至元十三年復禮賢為江山縣

元史地理志衢州路領縣江山

下

舊浙江通志明江山縣屬龍游府尋屬衢州府

國朝江山縣屬衢州府編戶一百二十七里

開化縣

太平寰宇記本常山縣地

輿地廣記宋乾德四年置開化場

宋史地理志太平興國八年升開化場為縣

宋史地理志衢州信安郡軍事縣開化

中

元史地理志衢州路領縣開化

中

舊浙江通志明開化縣屬龍游府尋屬衢州府

國朝開化縣屬衢州府編戶一百六十里

浙江通志卷七